



**Comunu de Bauladu**  
**Comune di Bauladu**

VERBALE DE DELIBERATZIONE DE SU CUSSIGIU COMUNALE

**NÙMERU 48 DE SU 30/12/2019**

<b>OGETU:</b>	<b>APLICATZIONE DE SU VÌNCULU A S'AVANTZU LÌBERU DE AMMINISTRATZIONE ATZERTADU CUN SU TORRACONTU 2018 E DESTINADU CUN SA PROGRAMMATZIONE 2019/2021 A SA REALIZATZIONE DE INTERVENTOS IN CONTU CAPITALE (art. 187, comma 3-ter, d.lgs. 267/2000).</b>
---------------	--

S'annu duamìgiadeghennoe, in die trinta, de su mese de nadale, a is 2 de merie in sa Domo Comunale de Bauladu, cramadu dae su Sìndigu cun lìteras iscritas cunsignadas a norma de lege, si est reunidu in sessione ordinària e pùblica, de prima cunvocatzione, su Cussìgiu Comunale in is persones de is Sennores:

Davide Corriga	P	Giovanni Battista Pes	P
Chiara Palmas	P	Anna Maria Pintus	P
Marta Dessì	P	Anna Matzutzi	P
Elia Zucca	P	Rita Soru	P
Carmine Consolo	P	Martina Atza	P

Cussigeris chi pigant parte: nr. 10

Cussigeris ausentes: nr. 0

Partètzipat a sa reunione sa Segretària, Dott.ssa Donatella Mancosu.

Su Sìndigu Dott. Davide Corriga assumet sa presidèntzia e constatadu su nùmeru legale de is intervènnidos pro pòdere in manera vàlida deliberare, de crarat aberta sa reunione.

## SU CUSSIGIÙ COMUNALE

Premìtidu chi:

- cun deliberatzione de Cussìgiu Comunale n. 40 in data 27/12/2018, esecutiva pro lege, est istada aprovada sa Nota de aggiornamentu a su Documentu Ùnicu de Programmatzione (DUP) 2019/2021 giai aprovadu cun deliberatzione de su Cussìgiu Comunale n.20 de su 31.07.2019;
- cun deliberatzione de Cussìgiu Comunale n. 41 in data 27/12/2018, esecutiva pro lege, est istadu aprovadu su bilantzu de previsionu 2019/2021, segundu s'ischema de chi a su d.Lgs. n. 118/2011

Premìtidu puru chi cun is deliberatziones in fatu sunt istadas aplicadas variatziones a su bilantzu de previsionu:

☐ àutos de su Cussìgiu comunale:

- n.01 de su 20/02/2019 cun ogetu "Variatzione a su bilantzu de previsionu 2019-2021 cumpetèntzia de su Cussìgiu (art.175, comma 2, TUEL)";
- n.11 de su 01/04/2019 cun ogetu "Variatzione a su bilantzu de previsionu 2019-2021 cumpetèntzia de su Cussìgiu (art.175, comma 2, TUEL)";
- n.17 de su 17/06/2019 cun ogetu "Variatzione a su bilantzu de previsionu 2019-2021 cumpetèntzia de su Cussìgiu (art.175, comma 2, TUEL)";
- n.21 de su 26/06/2019 cun ogetu "Variatzione a su bilantzu de previsionu 2019-2021 cumpetèntzia de su Cussìgiu (art.175, comma 2, TUEL)";
- n.23 de su 24/07/2019 cun ogetu "Assetiamentu generale de bilantzu e amparu de is echilìbrios pro s'esertzìtziu 2019 pro is artt.175, comma 8 e 193 de su D.Lgs. n.267/2000. Provedimentos de riechilìbriu";
- n.27 de su 12/08/2019 cun ogetu "Variatzione a su bilantzu de previsionu 2019-2021 cumpetèntzia de su Cussìgiu (art.175, comma 2, TUEL)";
- n.28 de su 03/10/2019 cun ogetu "Variatzione a su bilantzu de previsionu 2019-2021 cumpetèntzia de su Cussìgiu (art.175, comma 2, TUEL)";
- n.31 de su 25/11/2019 cun ogetu "Variatzione a su bilantzu de previsionu 2019-2021 cumpetèntzia de su Cussìgiu (art.175, comma 2, TUEL)";

☐ àutos de sa Giunta comunale:

- n.07 de su 11/02/2019 cun ogetu "Bilantzu de previsionu 2019-2021 variatzione pro s'art.175, comma 5-bis, lett.D)";
- n.20 de su 01/04/2019 cun ogetu "Prelevamentu dae su fundu de riserva (artt.166 e 176, D.Lgs. 18 de austu 2000, n.267";
- n.34 de su 08.05.2019 cun ogetu "Atzertamentu ordinàriu de is restos ativos e passivos variatziones a is istantziamentos de su fundu pluriennale vinculadu pro s'art.3 comma 4 de su D. Lgs. n.118/2011 - Variatzione de bilantzu 2019/2021";
- n.50 de su 17/06/2019 cun ogetu "Prelevamentu dae su fundu de riserva (artt.166 e 176, D.Lgs. 18 de austu 2000, n.267";
- n.58 de su 24/07/2019 cun ogetu "Bilantzu de previsionu 2019-2021 variatzione pro s'art.175, comma 5-bis, lett.D)";
- n.110 de su 12/12/2019 cun ogetu "Bilantzu de previsionu 2019-2021 variatzione pro s'art.175, comma 5-bis, lett.D)";

Tentu contu chi cun is variatziones de bilantzu giai adotadas s'est programmadu de destinare in bilantzu resursas giai cantonadas cun su torracontu de gestione 2018 in s'avantzu de amministratzione liberu pro l'òmperu a is obietivos prioritarios in fatu:

- "Valorizatzione estèticu rapresentativu de su caminu istòricu de Santa Vitòria - Tramas birdes de su paesàgiu de individuare";

Premittidu puru chi cun deliberatzione de Cussìgiu comunale n. 15 in data 17.06.2019 est istadu aprovalu su torracontu de sa gestione de s'esertzìtziu 2018 e atzertadu unu resurtadu de amministratzione de € 1.609.451,92 assentadu gasi:

Fundos cantonados:	€ 297.028,06
Fundos vinculados:	€ 344.201,59
Fundos destinados:	€ 65.202,56
Fundos liberos:	€ 903.019,71
TOTALE	€ 1.609.451,92

Cunsideradu chi tale resurtadu de amministratzione est istadu aplicadu a su bilantzu de previsionu de s'esertzìtziu de sa data de oe pro una summa de € 1.171.715,88 e chi resurtat tando ancora disponibile sa summa de € 430.646,11 determinada gasi:

Fundos cantonados:	€ 297.028,06
Fundos vinculados:	€ 52.206,90
Fundos destinados:	€ 50.852,56
Fundos liberos:	€ 37.648,52
TOTALE	€ 437.736,04

Fatu riferimentu a su decretu legislativu 18 de austu 2000, n. 267, e mescamente a s'articulu 187, su chi a su comma 3-ter, lìtera d) previdet chi is entes locales potzant p'ònnere unu vinculu formale

de destinatzione a is intradas pro sa realizatzione de interventos de ispesa a cunditzione chi:

- si tratet de intradas istraordinàrias chi tenent natura non fitiana giai atzertadas e cuberadas;
- s'ente no apat rinviadu sa cobertura de su dèficit istraordinàriu de amministratzione e su finantziamentu de is dèpidos reconnotos in foras de bilantzu ;

Bidu su printzipiu contàbile allegadu 4/2 a su d.lgs. n. 118/2011 e in particolare su puntu 9.2;

Fatu riferimentu puru a sa deliberatzione de sa Corte de is contos - Setzione autonomias n. 3/SEZAUT/2016/QMIG de su 19 ghennàrgiu 2016, sa chi, in relatzione a tale casu ispetzìficu, at craridu puru, in relatzione a s'aplicatzione de is vinculos a intradas non vinculadas:

- chi su vìnculu pertocat petzi sa gestione de cumpetèntzia e duncas su vìnculu no òperat in sa gestione de cassa puru;
- chi s'òrganu cumpetente a pònnere su vìnculu de destinatzione est su Cussìgiu comunale, in s'àmbitu de is atributzione prevididas dae s'art. 42 de su Tuel;
- chi su vìnculu non podet falare petzi dae s'aprovatzione de su bilantzu de previsionem ma abisòngiat una deliberatzione crara ispetzìfica, respetu a sa chi su bilantzu at a dèpere èssere coerente, de adotare o in sede de aprovatzione de su bilantzu etotu opuru in occasione de variatziones imbenientes;

Cunsideradu chi custu ente:

- non s'agatat in dèficit de amministratzione (siat ordinàriu chi istraordinàriu), comente resurtat dae sa deliberatzione de Cussìgiu comunale n. 15 in data 17.06.2019, de aprovatzione de s'ùrtimu torracontu serradu;
- no at rinviadu a is esertzìtzios imbenientes sa cobertura de is dèpidos foras de bilantzu, comente resurtat dae sa deliberatzione de Cussìgiu comunale n. 23 de su 24.07.2019 de aprovatzione de s'amparu de is echilìbrios de bilantzu;
- at atzertadu cun s'aprovatzione de su torracontu 2018 avantzu liberu pro èuru 903.019,71 de cale èuru 865.375,19 giai aplicadu a su bilantzu de previsionem 2019, inclùdidos is àutos adotados in data de oe, e duncas residua in s'importu de èuru 37.648,52;

Retentu duncas oportunu, a garantia de sa realizatzione de carchi interventu prioritàriu pro custa amministratzione, si serbire de sa facultade previdida dae s'art. 187, comma 3-ter, lìtera d), de su d.lgs. n. 267/2000, atribuende vìnculu formale de destinatzione a

s'intrada chi tenet natura istraordinària e non fitiana giai atzertada e coberada a finantziamentu de is ispesas indicadas in fatu:

- 1) INTRADA: avantzu lìberu de amministratzione atzertadu cun su torracontu s'ùrtimu esertzìtziu serradu  
Importu: €. 153.668,85  
ISPESA: Valorizatzione estèticu rapresentativu de su caminu istòricu de Santa Vitòria - Tramas birdes deI paesàgiu  
Importu: €. 153.668,85

Bidos:

- su d.lgs. 267/2000;
- su d.lgs. 118/2011;
- s'Istatutu comunale;
- su Regulamentu comunale de contabilidade;

Achiridos is parres in favore in òrdine a sa regularidade tècnica e contàbile in sa proposta de deliberatzione pro parte de sa Responsàbile de is Servìtzios Finantziàrios, pro s'art. 49, comma 1, de su T.U. n. 267 de su 18.08.2000 e mudas e integrazziones imbenientes;

### **DELÌBERAT**

De apònnere, pro s'art. 187, comma 3-ter, lett. d) de su d.lgs. 267/2000 vìnculu formale de destinatzione a is intradas in fatu, giai atzertadas e coberadas, chi tenent natura istraordinària e non fitiana, pro su contivìgiu de is ispesas indicadas in fatu:

INTRADA: avantzu de amministratzione lìberu atzertadu cun su torracontu de s'ùrtimu esertzìtziu serradu  
Importu: €. 153.668,85

ISPESA: Valorizatzione estèticu rapresentativu de su caminu istòricu de Santa Vitòria - Tramas birdes deI paesàgiu  
Importu: €. 153.668,85

De dare àutu chi custu ente:

- non s'agatat in dèficit de amministratzione (siat ordinàriu chi istraordinàriu), comente resurtat dae sa deliberatzione de Cussìgiu comunale n. 15 in data 17.06.2019, de aprovatzione de s'ùrtimu torracontu serradu;
- no at rinviadu a is esertzìtzios imbenientes sa cobertura de is dèpidos in foras de bilantzu, comente resurtat dae sa

deliberatzione de Cussìgiu comunale adotada in 24.07.2019 de aprovatzione de s'amparu de is echilìbrios de bilantzu.

De dare evidèntzia a su vìnculu de destinatzione apostu cun su provedimentu presente a is intradas e de chi a sa lìtera a., in sede de torracontu, mediante su determinu de is fundos vinculados chi cumponent su resurtadu de amministratzione.

De istabilire chi is vìnculos de destinatzione apostos cun su provedimentu presente ant a tzessare cun sa realizatzione completa de is interventos de ispesa de chi a sa lìtera a.

De acumandare a su responsàbile de su servìtziu finantziàriu is acumprimentos cunsighentes a s'adotzione de su provedimentu.

De decrarare sa deliberatzione presente esecutàbile deretu, pro s'art. 134, comma 4, de su d.Lgs. n. 267/2000 e mudas e integratziones imbenientes.

Parre a subra de sa proposta: in òrdine a sa regularidade tècnica pro s'art. 49, comma primu, de su Decretu Legislativu 267/2000 e cambiamentos e integratziones sutzessivos.

Sa Responsàbile de su Servitziu  
F.du Francesca Ara

Parre a subra de sa proposta: in òrdine a sa regularidade contàbile pro s'art. 49, comma primu, Decretu Legislativu 267/2000 e cambiamentos e integratziones sutzessivos.

Sa Responsàbile de su Servitziu  
F.du Francesca Ara

Su verbale benit sutascritu gasi

---

Su Sìndigu  
F.du Dott. Davide Corrìga

Sa Segretària Comunale  
F.du Dott.ssa Donatella Mancosu

---

#### ATESTADU DE PUBLICATZIONE

S'atestat chi còpia de sa deliberatzione est publicada in su situ istituzionale de su Comunu, atzessibile a su pùblicu, pro s'art. 32, comma 1, de sa Lege 69 de su 18/06/2009, partinde dae su 19/08/2019, pro abarrare bìndighi dies consecutivas, e in manera cuntestuale comunicada a is Grupos Consiliares.

Su 03/01/2020

Sa Segretària Comunale  
F.du Dott.ssa Donatella Mancosu

---

Còpia cunforme a s'originale pro impreu amministrativu

Su 03/01/2020

Su Missu Notificatore  
F.du Dott. Paolo Carta